

敘永縣志 卷一 輿地篇

~~昆明志~~

地 280.93

42

21~6

敘永縣志 卷一 輿地篇

~~昆明志~~

地 280.93

42

21~6

地 275.53
42
11-6.

敘永縣志一卷勘誤表

小序一	13	11	11	9	8	8	2	頁數
前	後	後	前	後	後	後	前	前 後
5	5	14	7	1	12	8	4	行數
3	6	31	8	5	20	11	18	字數
古	西	可不	谿	壁	壘	慕	塾	誤
敘	南	不可	谿	壁	壘	幕	塾	正

敘永縣志一卷勘誤表

49	48	46	45	40	39	33	33	32	31	30	11	頁數
前	后	前	后	前	后	前	前	前	后	后	后	前頁 后頁
9	5	1	13	1	8	13	9	6	5	2	14	行數
16	12	1	12	11			16	2	24			字數
治	米	葡	蒿	壤	年	鳴	項	粟	無	孟	可	誤
治	未	葡	蒿	填	建	鳴	頃	粟	有	宋	不	正
					建					宋	可	
					年					孟	不	
											可	

中華民國二十二年

敘永縣志

張廷鑑題



敘永縣志叙

敘永縣志自清光緒三十二年續修後距今近三十年曩時廳縣同設一城所修爲廳縣合志厥後永甯縣遷設古蘭叙永又改廳爲州改州爲縣叙永無志有志自今日始近三十年來其間政體之改革疆域之變遷人材之消長文化風氣之屢易是又不可無志以徵其沿革適值四川纂修通志檄各縣徵取縣志用備採擇敘永新志未修無以應命寧都賴君牧天來長縣政乃進士紳而謀修輯於是延聘宋君孟陬爲總纂李君祝衡張君孝雲四人爲分纂傅君志和等爲局董而以縣長兼任局長查照國府頒發修志例遴選調查製發表式據調查事項分類編纂區全書爲八曰輿地曰政治曰人物曰文化曰武備曰交通曰實業曰雜記各爲若干目而附以文徵閱三載書將成孟陬總纂捐館舍時樹謬領縣政以功虧一簣不謀終結於焉慨惜乃促各員於短期中繼續完竣藁成余舉而閱之就平日聞見所得屬於人物篇中增入黃紀堂宋孟陬兩者儒小傳允符生存不錄之例事定付梓余亦將去迴溯設局自茲三易寒暑其諏諮博訪與籌維計畫皆歷任縣宰及在事諸君子殫精竭慮之功有裨於地方文獻良非淺鮮斯志之成不徒宏綱鉅目搜羅博洽蔚成美觀舉凡文化交通實業諸大端

叙永縣志

卷一

總序

尤能啓新而述故文明盛軌日進月增他日有以發皇而光大之是則纂修斯志之主旨亦近世物競天擇之所必需矣時

中華民國二十二年七月叙永縣縣長兼修志局局長侯樹濤叙

叙永縣志序

民國十八年四川政府修通志令發叙永宋先生孟陬以高年積學能文之士膺地方政府之敦請鄉人之屬望偕李君祝衡二三君子纂修斯志惜乎稿將成而先生病死祝衡實踵之凡經若干月而畢事始來告予曰叙永置縣自明志創自清康熙朝乾隆嘉慶光緒間凡三修民國二十餘年至今始有專志適觀厥成是不可無序按叙永雖在萬山中而爲蜀滇黔門戶形勢所必爭商旅所必出疆域之遠關物產之殷繁文學武功之盛軌達官賢士之遺徽大人先生具瞻所繫予來是邦先後六七寒暑與都人士相接愛其風俗之淳民情之樸山川之靈秀文明之丕變宜有未盡義當序之以副李君諸人搜羅損益之勞後之來者倘益以篤信鑽研之功而盡夫昔人未竟之緒不尤足狀哉

中華民國二十二年八月

川南邊防軍副司令官兼叙永縣縣長修志局局長岑炯昌謹撰

叙永縣志

卷一

總序

叙永縣志序

民國十九年秋鄉人士議修縣志上之國府以吾師孟陬先生總其役會余歸自黔謁先生命分編校之任余唯唯退而思之吾邑志乘自清康熙二十五年廳同知宋公敏學創修然略而不詳其後屢有增補訖光緒三十二年續修凡五較詳備矣然皆合志而非專志迄今又二十有九年此二十九年中時則移勢則異兵革滋蔓寇盜紛熾或治或亂孰得孰失不有增輯奚以考鑑甯不懼其散佚乎是宜仿通史之例而爲年紀以存之以佐國乘以詔方來此一例也且今之時何時也新機銳進角奇鬪巧農工航電機器之屬如荼如火如霆如電如霞蒸雲詭如長江巨川之浩蕩沛然莫之能禦因時載筆變而通之此又一例也具此二說進於先生而納焉故其訂凡例曰不敢泥古期平允也曰不欲徇今示存舊也爲篇八爲目六十有六別編年紀末以大事記附之方刺手矣余又奉調赴黔中重違先生去悵惘者久之越壬申再歸志藁將成志將成而先生病病且死矣悲夫考叙永介烏蒙芒部之間秦漢以來迭爲郡縣東連黔境西引三渝南控六詔北接瀘合縱橫四百餘里每有邊警三省動搖奢酋安氏之亂負隅特險徵調半天下僅乃克之孫可望胡國柱之徒相繼窟宅資水陸戰守之利淪陷益

叙永縣志

卷一

總序

久清有天下知叙之綰轂三省也乃爲之立總兵以控制焉爲之置巡道以敷政焉爲之學校典禮以和其氛祲而宣其鬱塞焉於是而屹然一重鎮矣余昔壯盛嘗與里中少年策馬走關塞縱觀奇阨險阻登丹巖三十六峯而俯瞰郊原田疇綺錯一碧萬頃禾黍油油家給而人足北睇江門帆檣上下鹽鐵絲麻之利漑被黔滇商賈之挾重貲而出其途者舟車相屬則赤水以東宋江以南無此饒也行其野而機杼之聲與叱犢聲相和答觀慶弔之禮睦嫻任卹不廢親其親而長其長何風之淳歟驅車雪山大麓峻峙扼黔蜀之吭英雄用武之地也朱燮元侯良柱所力征而經營者皆於此置重兵焉計其一時豪傑搖蕩旂麾挾虬螭而凌日月猶有能識其軼事者乎此蔡益陽督師入川攬轡留連而不忍去者也西顧晏州荒烟蔓草戰壘隱隱榛莽間欲求程信李瑾之遺蹟而當時故老皆無在者蓋滄桑之遷變久矣風景不殊勁氣猶昔殆川嶽之靈所鍾感歎夫吾永非蠻荒也夷考舊志教化禮樂衣冠文物見於明季者匪僅一人一事濡染恢廓豪彥並出摺紳方雅之倫各以其德業學問立於廟堂之上何其盛也及清之季暗閉鬱塞二百餘年之久可書者竟寥寥焉迄於今日戶口之增廣物產之豐盈交通之敷設人文之蔚起海內外益視前代而強意者凡物否泰興衰之運無其形

而有其數耶抑山川靈淑之氣蟠結磅礴必待時而後發耶識者取鑒得失治亂之林益知專志之不可不修也明矣是故志俗尙可以備觀采志財賦可以考登耗志形勝可以修邊備志山林藪澤可以辨物產而興實利蘇子曰凡物苟有可觀皆有可樂可觀可樂何在而不可志然而志豈易言哉江文通有言作史莫難於志而志吾邑爲尤難自孫吳肆毒公私蕩然荒碑仆碣茫無可考宋志僅訪耆舊摭拾成篇故明以上無聞焉徵引不充考核靡當附會支離其失也誕父老傳聞侈陳粉飾齊東野語其失也俚情勢代謝今昔迥殊是丹非素其失也偏而吾先生則異是虛懷而介節溫故而知新又得李君祝衡張君孝雲二三君子和易賅洽通力合作故其爲志也融新述舊匪一家言溯古究今並著厥原批郤導窾允協中權邑之賢者覽是編而發思古之深情宏倡導之先聲以富以庶莘莘蒸蒸將有感乎斯志之成

中華民國二十二年六月前任貴州桐梓縣縣長邑人李世祚撰

叙永縣志序

邦國懿典隆備于成周炎漢文治承興舉凡郡國記籍太史規策計吏既崇國史遂攷於邑獻圖經計簿傳贊文風秩秩嚴嚴各有紹述趙宋劣于疆貢尙意山川博雅前休更繁志地逮歷明清皇臨在上歲時召府省統志類之司農尊藏殿閣備人君乙覽于是通都列城紛然起作其間魁儒碩學句稽貫致潤古辨今能附於信史者蓋炳炳焉一方一道之寶書也叙永僻歸王壤蒸醞之俗早沐采登又地絡聯圻託屬屢變嘉慶光宣始一再載筆猶紆昔制統副成書今國家首政權民反都江介二三明德張揚方志之纂昭布憲條期各改述用煥號于一治海內恭承樞命征征焉躬躬焉曠三十年叙永乃華脫屬尊議編專籍思以比齊天下鄉之君子受徵政府懷其里文從事纂作主譔宋君孟陬高振挈綱精嚴紬論餘子研幾考訂舒蘊分門三閱寒暑稿具而宋君歿而赤亂大作矣當是時余以參軍主將拜命于危難之朝宰臨斯邑亟思所以葆捍危郛肅全元庶坊庸設式版築阿陴罔弗指畫親臨兼資粟固朝安夕慰攝鎮蒼黃而宋君玉門以府屬官主教育掌邦典顧依危難赫然以志稿請歸余得借監齎維奏置阨區委潛險境則又思保茲文物以同命於孤城矣未幾而賊果風颺大至余乘陳歷

叙永縣志

卷一 序

陣躬冒矢石數擊儼脆昏且以塵賊竟不得逞以去仰維皇天眷顧將士能戎勦余厥職而邦民有衆僉謂賊自江西數千里來惟使君力城得獨完文獻得不佚余乃肆閱山川伸其綏輯信乎流鎮之度蕩蕩匪匪幽渺靈長竺產民望故能率命抽戈仗材官力如志所稱都麗于標纛允宜切工應憲以詔刼餘宋君顧以往事成書爲難深懼散失亟付梓人夫書既不墜于當危善厥臚傳責在守土用于支疲之中周計幣餘哀其缺澆值幕府急宣述陳方略遂督促剞劂聿觀厥成古者王車夾侍狼歎民風巡狩由經充其版告號爲大夫今茲典收自親觀言風土周官餘職前有典刑况國詔敦崇又際凶不屈敢不對揚休命以顯大縣人使得備此書于國典藏之殿閣永永無既於是大人先生得檢閱茲志者咸以爲條簡優牟淵雅沈實弗夸弗侈庶幾乾嘉傳乘之林欲存問主修則宋君既前卒其餘共事諸子亦因世變星散而余遭逢際會備受能事勤民見襄行幄嗚呼何其幸也在昔先王施正斧亂容終文武道該底於邦治蓋武譬炎火文若夷流知齊弗承則其地寂索故史譚漁陽變后燕薊不乘伊川爲戎晉外荒徽胥由此耳亦嘗驅車南北周訪羣聞其有巨城茂藪一經喪亂罔不賴一二碩彥網拾遺文作後關準規復大興做則于斯利茲邑人亦願鄉之後進知變禍之無常文獻

之足重堅凝志力尊數先生之言嚙爲邦教界江山繼起得數典披尋是則余葆萃宣
成著爲函書之初心矣

中華民國二十四年五月叙永縣縣長先智淵

叙永縣志

卷一 序

叙永縣志凡例

一叙永向無志自前清康熙二十五年開始纂集僅二卷其後續修數次皆係叙永甯合志洎光緒三十四年改古蘭與叙永劃然爲二山川道里疆域事跡皆各不同故此次之纂集雖曰續修實同創辦蓋至是而叙永始有專志矣

一叙永省接滇黔界連瀘納江合共十餘縣爲瀘渝之上游是屹然一重鎮也輿地一篇特爲重要前志疏略未詳並無圖說今特照東南西北四至邊要詳細測量繪而成圖庶使後日有所參考

一現在國體更變新舊交關所有紀載務期平允不敢泥古亦不欲徇今據事直書以求確當

一凡縣志均重攷古今則文明大啓日異月新實業農工必求有用故凡有新發明新製造者皆搜羅採擇以爲發展之預備

一志書體裁不外傳志表記人物則列傳法制則作志表其繁蹟記其特異藝文一項另立文徵務在簡括分明不煩不漏

一自來修志多尙淵雅今則文化革新多用語體然質而不文貽譏虎豹之韞故此次

叙永縣志 卷一 凡例

修纂文字惟在醒括詳明不必務求艱深亦不至同於俚俗

一山脈河流詳其大者此外有著名之勝境高峯曲澗亦可附入（如紅岩三十六峯及天台山護國岩之類）有詩文記載卽列其下

一道里場市形勢疆界多犬牙相錯凸凹毗連甌脫之地均有關係應攷據確實並具詳圖以成信史

一人口賦稅水利農田畜牧種植均爲民生重要應歷攷其盛衰沿革以表列之勿庸疏漏

一實業爲富强之基叙永氣候適中物產豐富改良進化是在提倡如有關於此類者皆備載之

一學校爲文化之源叙永亦漸發達惟章程科目管理諸法幾經改易今但取現在通行者記之至從前之辦法有良善者略提大要以備參攷

一忠孝節義爲人倫道德之關今雖法制日新而地義天經自不可滅故凡有奇節偉行可爲世法者一并列入以爲勵世磨鈍之資

一叙永僻在邊隅舊學尙存元氣故雖新潮漸入而禮教猶存所謂禮失則求野也此

次紀載于風俗類當保存者則保存之當改進者則改進之務在適於中道而已
一官吏列傳則以叙永爲斷惟本地鄉賢向皆廳縣混合今則略爲區別務在核實寧
缺毋濫若生存人決不列入

一科第選舉學位各人員均以表列之不加褒貶

一節婦事實大同小異若盡爲列傳不免千篇一律今概以表列之亦表揚之義也

一植物以叙永所特有者爲斷以表列之其性質形體毋庸詳攷以省篇幅

甚多而開採無人不免貨棄於地宜詳攷博記以備後日之用

惟礦物如煤鐵銅錫敘永所產

一藝文仿文徵之例然必取其有關叙永者及有實用者採入其他流連風景之詞以

及壽文賀序雖佳不錄生存人不錄

楹聯無大關係亦可不載

一交通事實道路爲先叙永馬路已由城廂達到江門以後永納永合永江永宋永畢

永赤各路皆宜興築應詳錄其經過之點以詔方來

一叙永平民之疾苦至今日而極矣倉廩已空賦役亦重惟慈善事業有已興辦者宜
詳載以爲後勸而擴充創設尙待提倡籌賑備荒育嬰養老以及工廠棲流皆養民
之要政也

叙永縣志

卷一

凡例

二

一叙永年來兵事最繁載不勝載茲擇其最重要者及關省界邊防者記之餘皆略存
梗概而已

一現當變法之際國事未定所有法制惟採現在通行以外則剪裁節錄不能如舊志
之繁蕪也

一關津渡口深林密箐皆形勝所關於地圖之外有特別者則另記之

一廟宇橋梁均記其名稱若既毀者亦存其名以表列之用備參攷

一綠營兵制及舊有典禮舊志既詳今可從節

一凡革命先烈叙永頗不乏人今悉採入以符中央命令

惟取蓋棺生存不錄

一叙永開闢甚遲無金石碑碣之可攷惟照舊志略存一二以備一格祥異亦取其稍

有徵驗者若左氏好奇石言蛇鬥不足錄也

方言無大關係且多普通非敘永所有宜從刪節似較大雅

一天文關係輿地固不可少然叙永苦無專家卽他省亦少若舊志星野各宿圖恐未
真確今姑從略以待後來

一叙永向爲漢夷雜處今歷年既久消滅者多同化亦衆仍照舊志攷核錄入以存古
蹟

一全志共分八篇下列子目若干以醒眉目秉筆者惟據歷年案卷父老傳聞及採訪表冊分類直書無所偏徇皇天后土實所共鑒

一此次纂集不分總纂分纂通力合作互相討論共底於成至脫稿後先求本地及外界通儒賢達妥爲訂正然後付印非敢自專也

一凡例三十二條不過草創初稿不完不備勢所必然尚乞鄉先先生大家改削并隨時補正

叙永縣修志局職員表

職務	姓名	籍貫	履歷
局長	賴佐唐	江西	前任叙永縣縣長兼局長
	劉啓稷	成都	同前
	廖士勤	雙流	同前
	熊士哲	富順	同前
	侯樹濤	貴州	同前
	岑炯昌	貴州	現任叙永縣縣長兼局長
協修	李度	叙永	前任叙永縣教育局局長
	鄭聘生	同前	現任叙永縣教育科科長
總纂	宋曙	同前	前任永屬中學校校長
分纂	張廷鑑	同前	前任萬縣縣長
	李如壽	同前	前任永屬中學校校長
	楊國芬	同前	前任永屬中學校教員
叙永縣志	王潤	富順	前任永屬中學教務長
校勘	岳鍾靈	叙永	前任古蔺縣縣長
	于鴻昌	同前	前任叙永縣議會議長
測繪	魏良	同前	永屬中學校教員
	何正淮	同前	前任永屬中學校教員
局董	傅啓鈞	同前	前任貴州農工廳廳長
	胡綱	同前	前任古蔺縣縣長
	鍾志淮	同前	前任榮昌縣縣長
	王安尊	同前	前任叙永縣財務科科長
	宋玉門	同前	永屬中學校教員
調查	魏模	同前	前任永屬中學校教員
	楊宣	同前	前任叙永縣建設局局長
	賀炯	同前	前任叙永縣實業局局長
	李陶	同前	縣立第二高小學校教員

羅瑞文	同前	大壩鎮兩級小學校教員
于祝堯	同前	兩河鎮小學校教員
羅志剛	同前	永屬中學校師範科畢業
魏肇修	同前	川南師範學校畢業
劉桐階	同前	前任永屬中學校教員
楊國芬	同前	前任永屬中學校教員
陳澈	同前	天池鎮高小學校校長
汪卽吾	同前	留耕鄉高小學校校長
庶務 宋子莊	叙永	叙永縣財務科會計員
繕寫 蕭子文	同前	叙永縣建設科書記員
宋達源	同前	叙永縣財務科書記員

叙永縣志目錄

輿地篇第一 子目十二

建置沿革 疆域附圖 形勢 山川 關隘 鎮鄉

城垣附圖 祠廟 名勝 古蹟 氣候 物產

政治篇第二 子目十

黨務 機關 法團 司法 戶口 賦稅

財政 備荒 慈善 貨幣

人物篇第三 子目十

名宦 鄉賢 革命先烈 耆舊 忠義 孝友

貞節 選舉附科第表 位仕官

文化篇第四 子目六

教育 祀典 禮俗 宗教 藝術 種族

武備篇第五 子目七

前代兵事 近代兵事 軍制 軍械 團務 邊防

叙永縣志 卷一 目錄

歷年匪患

交通篇第六 子目六

路政 舟車 疏濬 郵電 工業 商業

實業篇第七 子目十

水利 農田 種植附森林 畜牧 礦務 鹽業

紡織 茶業 桑麻 紙業

雜記篇第八 子目六

災異 僭竊 金石 大事記 附續記 附文徵